

## 8. IGICE CYA VIII: GUFUNGAIBINYABIZIGA

### Ingingo ya 151:

**Gufunga ikinyabiziga:** ni ukukijyana ahantu hagenwe n'umutegetsi wa Leta ubifitiye ububasha, kikahaguma kugeza igihe abitegetse kandi kikishingirwa na nyiracyo ku byerekeye amafaranga agitangwaho .Uko gufungwa gushobora kubanzirizwa no kukibuza kugenda biteganywa n'ingingo ya 24 y'itegeko n° 34/1987 ryo kuwa 17 Nzeri 1987 ryerekeye imihanda n'uburyo bwo kuyigendamo.

### Ingingo ya 152:

*Gufunga ikinyabiziga bitegekwa n'umushinjacyaha mu karere akoreramo, biturutse ko cyaba cyarabujijwe kugenda bikarenza amasaha 48 icyatumye gihagarikwa kitaravaho cyangwa se ku mpamvu ziteganywa n'ingingo ya 36 y'itegeko n° 34/1987 ryo kuwa 17 Nzeri 1987 ryerekeye imihanda n'uburyo bwo kuyigendamo.*

Mu bihe biteganywa n'iyi ngingo, umukozi wabikoreye inyandiko –mvugo abimenyesha umushinjacyaha ubifitiye ububasha muri ako karere. Iyo bibaye ngombwa abikora amaze kukibuza kugenda mu buryo buteganywa n'ingingo ya 31 y'itegeko n°34/1987 ryo kuwa 17 Nzeri 1987 ryerekeye imihanda n'uburyo bwo kuyigendamo.

### Ingingo ya 153:

**1** Ahagenwe gufungirwa ibinyabiziga ni za parikingi zemejwe na Minisitiri ushinzwe gutwara abantu n'ibintu.**2** Abakuru b'Intara n'Abayobozi b'uturere bashobora kugena ahandi hose hashobora gufungirwa ibyo binyabiziga kandi hakarindwa.

### Ingingo ya 154:

Hakorwa inyandiko-mvugo yemeza ko ikinyabiziga gifunzwe. Buri nyandiko –mvugo ikagaragaza ibi bikurikira:

- ✓ Ikosa ryatumye ikinyabiziga gifungwa;
- ✓ Umunsi n'isaha ikinyabiziga cyabujijweho kugenda;
- ✓ Ibimenyetso biranga ikinyabiziga ( pulaki, ubwoko,nimero,ya moteri n'iya shasi);
- ✓ Imiterere y'ikinyabiziga mu gihe cy'ifatirwa n'ibindi bijyana nacyo;
- ✓ Amazina y'umushoferi n'ay'uwoze inyandiko-mvugo na nimero y'uruhushya rwo gutwara ikinyabiziga.

*Inyandiko –mvugo ikorwa mu mpapuro 2 rumwe rugahabwa nyiri ugufungirwa urundi rugasigarana umukozi ubishinzwe.*

### Ingingo ya 155:

**Umubare w'amafaranga agenewe ifungwa ry'ikinyabiziga uzagenwa n'iteka rya Minisitiri ushinzwe ubutabera mu mirimo ye abisabwe n'urwego rushinzwe kugenzura ibigenda mu muhanda.**